

specie privilegiatam quartam falcidiam non detrahit , quia Ecclesia legataria in specie reperitur privilegiata , cùm Ius novum de legatis pīs falcidiam detrahi prohibeat , Nov. 131. C. 12. pr. hæredis autem nulli mentio facta videatur. Pari modo nec pia causa hæres instituta de legato alimentorum dodrantem superante falcidiam detrahit , quia privilegium hoc speciale est , Tiraquel. de privil. pīe caus. priv. 26. Bækm. § 17. ff. ad Leg. Falcid.

IV. Fallit tertio , si privilegia , quæ concurrunt , inæqualis sint roboris ; in hoc enim conflitū , ut̄ solet fieri , potentius infirmiori prævalet. Potentius autem est (1) illud , quod naturale est , & universalius altero , quod accidentale est , & minus universale : sic si concurredit minor cum filiof. aut muliere , prævalet minoris privilegium , quippe naturale , & universalius ideo , quia quisque aliquando minor , non etiam foemina , aut filius familias. Et hinc si à filiof. minorenni mutuam sumiserit pecuniam filiusf. major , hic illi pecuniam repetenti frustra opponit exceptionem SCti Maced. , ut̄ ut̄ pecunia in rem ejus versa non fuerit. L. 11. s. fin. de min. pariter si fidejubente muliere minor crediderit pecuniam , & debitor non solvendo existat , rectè minor mulierem pulsat invanū ad SCtum Vellej. provocantem L. 12. ff. de min. (2) cùm ex unā parte unum , ex alterā duo diversa privilegia stent , hæc prævalent illi ; sic si minor , & causa pia concurrunt cum Fisco , hi contra illum restituuntur in integrum , nam duo vincula fortius ligant , quam unum. (3) si cætera paria sunt , potentius est illud , quod antiquius ; sic casu , quo maritus mortuā primā conjugē ad secunda vota transeat , & moto postea concursu decedat , & ita contingat , ut non tantūm hæredes primæ uxoris , sed superstes quoque vidua ad repetitionem dotis agat , tunc si NB. res in dotem datæ non amplius extent , in hoc concursu duarum mulierum dotem repetentium , dos prioris Uxorū tanquam prior tempore præferenda est doti secundæ uxoris . videsis Stryck. de Jur. privileg. contra privileg.

CAPUT IV.

De modis , quibus privilegia extinguantur.

I. **V**ariis modis , ac quidem (imò) revocatione dantis finiuntur privilegia. L. 100. & 102. ff. de R. J. quod indubium , si adjecta

fit clausula : *ad beneplacitum*. Sin alias , simplicem sine causâ revocationem privilegii etiam merè gratuī non videtur permettere fides , & candor Dignitatis Principalis Stryck. de *Jur. priv. contra priv.* quæ verò ob bene merita , titulōve quodam oneroſo quæſita sunt , quoniam in contractum incident , ob juris naturalis vinculum ea nequit revocare Princeps , niſi urgente utilitate , aut necessitate publicâ ; huic enim privatorum utilitatem postponendam itidem Jure naturali docemur. Zoës. ff. de Leg. n. 37.

II. Finiuntur (2dō) finito tempore , ad quod concessa sunt. Arg. L. 27. s. 1. ff. de *pact.* sic laſus in aetate minorenni , lapso quadriennio , ab adeptæ majorenitatis tempore computato , fruſtra implorat beneficium reſtitutionis in integrum , L. fin. C. de *temp. in integ. rest.* pariter exceptio non numeratæ pecuniaæ , in quantum privilegiata , lapsō biennio exſpirat L. 14. C. de *non num. pec.*

III. Finiuntur (3tiō) extintis re , causâ , vel loco , eorumque uti & personarum qualitate , ob quam indulta sunt , L. 6. s. 14. ff. de *exc. tut.* sic desinens esse studiosus , eorum privilegiis deinceps non fruitur ; sic si locus per legitimam potestatem ex proposito deſtructus fuerit ; ſalvum nequit esse privilegium , deſtructo quippe fundamento , Zoës. ff. de *Conſtit. Princ.* n. 28. aliud foret , ſi per ruinam , bellum , aliūque caſum domus v. g. privilegiata deſtructa fuerit cum ſpe reædificationis ; hæc enim ſalvum , teclūmque ſervat privilegium , L. 37. de *contrah. emt.*

IV. Finiuntur (4tō) privilegia merè personalia cum morte privilegiati ; nec refert , ſitne mors naturalis , an civilis , quæ per maximam , & medianam capitis diminutionem contingit , S. 1. & 2. *Inſtit. de Cap. Dimin.* & licet duplex hæc mors civilis in Imperio R. germanico ferè ignoretur , loco tamen deportationis [quæ est media Capitis diminutio] ex communi D.D. calculo fit hodie tuitigatio cum relegatione , damnatio ad triremes &c. Item bannum ; ubi diſcrimen occurrit , quod bannum ab Imperatore irrogatum cum jure civitatis universalis , faciat amitti omnia privilegia , irrogatum verò à ſtatu quodam Imperii cum jure civitatis provinciali , ejus ſaltim provinciæ privilegia adimac.

V. Non tamen morte dantis regulariter exspirant. arg. C. fin. X. de precar. nisi concessa sub clausulâ : ad beneplacitum, tunc eam à nudâ dantis voluntate dependent, cuius terminus ultimus mors est L. 4. ff. de locat. cond. C. 5. de Reserip. in 6. modò dans sit persona singularis, nam à sede vel collegio ad beneplacitum concessa durat, usque dum revocentur ; sedes enim aut collegium non moritur. cit. C. 5.

VI. Amititur (5tò) privilegium per abusum, vel quod modo in debito privilegiatus eo utatur, C. 63. q. 3. Caus. II. vel quòd occasione privilegii delinquit, ut si quis spe immunitatis homicidia, aut mutilationes membrorum in Ecclesiis, earumve cæmiteriis committat Cap. fin. X. de Imm. Eccles. vel denique, quod actum ponat privilegio directè contrarium, ut enim legis, ita & privilegii, auxilium frustra quis invocat, qui in legem (privilegium) commisit. l. 37. §. I. ff. de min. pro exemplo sit casus, quem in suis medit. ad pandect. Specim. II. de priv. interitu sijstit Leyser. Nundinarum tolleñnum privilegium est, quod personæ ad illas commigrantes, earumque merces, nec in ipsâ urbe, in quâ nundinæ habentur, nec in itinere ad eam detineri valeant ; peccans contra hoc privilegium Mercator Titius debitoris sui Caji merces ad nundinas Lipsienses missas, Erfordii detineri curavit ; Cajus, ut arrestum rebus suis impositum solveretur, facile à magistratu Erfordiensи obtinuit ; deinde cum Titius Lipsiam ipse ad nundinas veniret, petebat Cajus, ut Titius in carcerem conjectus infrauti privilegii rationes, & poenam redderer ; tum hic privilegia nundinarum obtendere, séque durantibus nundinis, nec ob debitum, nec ob delictum, custodiæ mancipari posse ; at frusta reclamans privilegii auxilium imploravit, quod ipse læserat ; in carcerem igitur compactus, nec priùs dimissus fuit, quâm ad intentatam accusationem responderet, multam solveret, sumtusque omnes in Judicium factos.

VII. Cessat (6tò) si vergere incipiat in grave aliorum aut communitatis detrimentum ; tunc enim privilegiatus vel in totum, vel instantum suo privilegio excidit ; sic si Ecclesia ministrorum defecum patitur, privilegiati super absentia saltē per sententiam Judicis redire coguntur, C. pen. X. de Cler. non resid. sic privilegium Fratrum Templi, & Hospitalis, quod scandalum faceret, & grave animarum

periculum causando nocivum fieret , circumcidit ALEXANDER III. in Cap. 3. X. de priv.

VIII. Cessat (7mō) privilegium renuntiatione expressâ , quæ cui-libet libera est. L. pen. C. de pac̄t. C. 6. X. b. t. modò (1) renun-tians nec naturâ prohibeatur , nec lege ; nec in tertii præjudicium re-nuntatio fiat ; jus enim quatenus meum à me abdicare possum , L. 7. §. 14. ff. de pac̄t. non etiam quatenus alterius. C. 5. X. de arb. hinc Re-gula est : cuicunque renuntiationi non obstat vel salus publica , vel favor tertii , vel naturalis quedam ratio , illa cum effectu fieri potest ; cuicun-que autem prædicta vel universa , vel singula obstant , ea ipso jure nulla est. Unde (1) monasterium sine licentiâ Summi Pontificis invalidè renuntiat privilegio exemptionis cit. c. 5. (2) Clericus privilegio fori , & canonis renuntiare non potest C. 12. X. de foro Compet. (3) nec filiust. SCto Maced. (4) nec Prałatus privilegio suæ Ecclesiæ concessio. (5) nec Legati suis immunitatibus (6) nec privati privilegiis com-merciorum , quæ ex pacto inter duas gentes subsistunt. (7) Nec in eo-dem instrumento exceptioni non numeratae pecuniæ renuntiari valet ; obstat enim ratio quedam naturalis , quia eadem facilitate quis excep-tioni huic renuntiat , quâ spe futuræ numerationis se pecuniam acce-pisse fatetur. Boehm. de fin. priv. reg. cap. 2. §. 17.

IX. (8vō) cessat renuntiatione tacitâ , quæ fit per Non-Usum privi-legii , aut usum contrarium : ubi distinguendum , inter privilegium affirmativum , quod in faciendo , & negativum , quod in non - fa-ciendo consistit ; item an personæ privatæ , an universitati cuidam pu-blicæ , uti Ecclesiæ , Reipublicæ , concessum sit ; denique an consistat in unico aetu , an verò habeat tractum successivum... si privilegium in unico aetu consistat , sitque negativum , amittitur unico aetu directè contrario , sive personæ privatæ competat , sive universitati cuidam L. 2. C. de jur. dom. impetr. C. 8. X. de præb. & dig. in quo Canonici super certo numero à Papâ privilegiati , si sponte receperint aliquem supra numerum , privilegium suum amittunt. Fallunt tamen hæc (1) si aetus contrarius fuerit coactus. (2) protestatione limitatus. (3) ex ig-norantiâ positus. (4) usus in privilegiati arbitrium commissus fuerit per clausulam vel expressè adjectam vel tacite subintellectam. Engel. b.

t. n. 19. (5) si effectum successivum habeat, unicus actus nequit dici directa contraventio renuntiationem inducens, *L. 12. C. de excus. tut. & C. 16. X. de vit. & hon. Cler.* ubi Clericus negotiator post trinam demum monitionem clericale privilegium quoad bona amittit... si privilegium affirmativum sit & privatæ personæ concessum, voluntario non-usu per decennium exspirat *L. 1. ff. de nund. dixi voluntario*: si enim utendi occasio defuerit, aut obstiterit impedimentum, aliud foret, *Gail. L. 2. obs. 60. n. 1...* Si privilegium universitati cuidam e. c. collegio canonicorum, monasterio &c. concessum reperiatur, tunc, si tractum successivum habuerit, agaturque de verâ aliquâ privilegii præscriptione, non-usus aut usus contrarius non nisi post lapsum quadraginta annorum privilegii amissionem operatur, *C. 15. X. h. t.* si agatur de simplice renuntiatione, quâ ad jus commune redditur, lapsus quadraginta annorum non requiritur, *C. 6. X. h. t.* *Videsis Felin. & Panorin. in dict. Cap. 15.* & post illos *Gail. L. 2. Obs. 60. per tot. hic, Dissertationis filum abrumpens, sequentia subjicio*

COROLLARIA.

*S*ummus Pontifex concedit *privilegia* pro universâ Ecclesiâ irrequisito etiam Episcoporum consensu.

*S*intne *privilegia*, an non sint, quæ in concordatis Sedem Romanam inter & inclitam nationem germanicam sancta fuernnt, perinde est, ea nec S. Pontifex solus, nec solum Consilium aulicum Imperii authenticè interpretatur.

*P*rivilegium exemptionis à solutione decimarum per quadraginta annos sine titulo contra Parochum non prescribitur.

*P*rivilegium exemptionis à solutione decimarum arguit decimas non esse Juris Divini.

*P*rivilegium decimandi à S. Pontifice personis etiam Ecclesiasticis concessum decimas novalium non comprehendit.

*R*egulares nec beneficium saeculare, nec *privilegium* saecularia beneficia acceptandi prescribunt, nisi immemoriali tempore, aut saltē quadragenario cum titulo.

7. Pri-